

Data 03/04/2018

STATUT  
I SHOQERISE ME PERGJEGJESI TE KUFIZUAR  
" FinTech Solution " sh.p.k

Me kete Statut, Ortaket:

1. ARIAN SHYQYRI CARA Lindur ne Durres Banues ne Lagjia 12 Rruga Abaz Celkupa me nr personal I30618202I
2. 2. LUIS AVNI HOXHA Lindur ne Durres Banues ne Lagjen 13 Rruga Pavarsia me nr personal I80610092C

Deklarojne te themeluar shoqerine

Kreu I

DISPOZITA TE PERGJITHSHME

Neni 1

Me kete Statut rregullohen keto çeshtje :

- emertimi i Shoqerise,
- lloji i shoqerise,
- adresa e selise se saj,
- periudha e kohezgjatjes,
- veprimtaria e shoqerise,
- kuotat,vlera dhe numri i tyre dhe te drejtat e ortakeve,
- organet drejtuese,
- emrat dhe adresat e themeluesve dhe
- procedurat me të cilat mund të ndryshohet ky statut.

Kreu II

FORMA, EMRI, OBJEKTI, SELIA, KOHEZJATJA

Neni 2

FORMA

2.1 Shoqeria Tregtare eshte Shoqeri me pergjegjësi te kufizuar ,shkurtimisht SH.P.K.



2.2 Aktivitetin ajo do ta zhvilloje sipas ketij Statuti, legjislacionit shqiptar tregetar dhe atij nderkombetar si dhe legjislacionit ter pergjithshem te aplikueshem ne fuqi

Neni 3

EMRI

Emertimi Tregetar I Shoqerise ne tregun vendas dhe te huaj dhe ne mardhenie me te trete eshte :  
FinTech Solution

Neni 4

ADRESA E SELISE

4.1. Selia e *DURRES, Rruga Aleksander Goga Lagjia nr 18, magazine nje kateshe , Magazina NR 4.*

4.2 Shoqeria mund te themeloje filiale, zyra perfaqesimi brenda vendit ne perputhje me legjislacionin ne fuqi.

Neni 5

PERIUDHA E KOHEZGJATJES SE SHOQERISE

Kohezgjatja e veprimtarise se shoqerise si sh.p.k. do te jete ne afat te pacaktuar

Neni 6

OBJEKTI I VEPRIMTARISE

Objekti I veprimtarise se Shoqerise eshte :

- Kryerja e veprimtarise tregtare ne aktivitete publiciteti, reklamash, marketing dhe sponsorizimi online dhe fizik, menaxhim dhe shitje hapësire online (data-storage dhe hosting), menaxhim dhe shitje vende racku te lidhura ne rrjet (Server-Rack Space)

KREU II

KAPITALI FILLESTAR, KONTRIBUTET, PERGJEGJESIA, LEVIZJET E KAPITALIT,  
KUOTAT DHE KALIMI I TYRE,

Neni 6

KAPITALI

Kapitali fillestar eshte 100.000 (njqindmije) leke.

Neni 7

PJESET E KAPITALIT

7.1 Kapitali themeltar eshte i ndare ne 2 pjese.

7.2 Kontributet respektive te ortakeve :

- ARIAN CARA 50.000 (pesedhjetemije) leke,
- LUIS HOXHA 50.000 (pesedhjetemije) Leke,

7.3 Vlera e kontributit te ortakeve ne kapitalin e shoqerise do te depozitohet ne banke pas vendimit qe Asambleja e ortakeve do te marre per kete qellim dhe sipas procedurave qe do te caktohen ne kete vendim.

7.4 Kur pjeset e kapitalit pergendrohen tek nje person I vetem (fizik ose juridik), shoqeria tregetare vijon te funksionoj si shoqeri me ortak te vetem dhe dispozitat e statutit gjejne zbatim, per aq sa jane te pershtatme dhe per ortakun e vetem.

Neni 8

#### KONTRIBUTET

Kapitali themeltar dhe kontributet qe perbejne ate akordohen ne para (leke).

Neni 9

#### PERGJEGJESIA

9.1 Shoqeria pergjigjet me aktivet e saj per detyrimet qe mund te vijne nga veprimtarite e ushtruara.

9.2 Ortaket nuk pergjigjen personalisht per detyrimet e shoqerise. Ortaket mbulojne humbjet e shoqerise deri ne pjesen e pashlyer te kontributit te nenshkuar

Neni 10

#### LEVIZJET E KAPITALIT

10.1 Ne vijim te veprimtarise kapitali I shoqerise mund te jete objekt ndyshimi — zmadhimi ose zvogelimi, me vendim te posacem te asamblese se ortakeve te shoqerise.

10.2 Ndryshimi I kapitalit behet nga asambleja e pergjithshme, e cila, merr vendime me shumice te cilesuar.

10.3 Zmadhimi I kapitalit nuk mund te behet, pa u shlyer plotesisht kontributet e nenshkuara me pare

10.4 Ndryshimi I kapitalit nuk cenon te drejtat qe rrjedhin nga kontributet me perparesi apo te drejtat qe derivojne nga kontributet ne forme financimi per shoqerine. Kontributet ne forme financimi qe mund ti jepen shoqerise nga ortaket nuk prodhojne interesa.

10.5 Shoqeria mund te marre pjese dhe te investoj kapital ne ndermarje apo shoqeri te tjera qe kane objekt te njejte ose te perafert me te saj in dhe mund te kryej direkt apo indirekt te gjitha operacionet tregetate, financiare me karakter te luajtshem e te paluajtshem.

10.6 Shoqeria mund te hap dhe te mbaje llogari rrjedhese ne leke apo valuta te tjera, prane bankave shqiptare apo te huaja, duke mundur gjithashtu te disponoj lirisht mjetet monetare te akumuluar ne to, komfort legjislacionit ne fuqi.



Neni 11  
KUOTAT DHE KALIMI I TYRE

11.1 Secili ortak gezon kuoten e tij ne shoqeri, te drejtat dhe detyrimet perkatese qe burojne nga zoterimi I kuotes, ne perpjestim me kontributin e dhene ne kapitalin e shoqerise.

11.2 Çdo ortak ,ka të drejtën e pjesëmarrjes në fitimet e shpërndashme të shoqërisë dhe përfiton proporcionalisht me shumën e kuotave që zotëron .

11.3 Kuotat dhe/ose pjeset e kapitalit jane lirisht te transferueshme ndermjet ortakeve. Transferimi rregullohet sipas ketij statuti dhe vendimeve te asamblese se ortakeve per kete qellim.

11.4 Ortaku qe deshiron te shese kuotat e tij jashte rrethit te ortakeve eshte I detyruar te njoftoj me shkrim ( leter rekomande) per kete qellim *shoqerine* dhe cdo *ortak individualisht*, duke bere te ditur kushtet e transferimit. Ne rast se, brenda 2 muajve nga data e marrjes efektivisht dijeni, ortakët nuk pergjigjen me shkrim per ushtimin e te cleftes se parablerjes, atehere miratimi I transferimt konsiderohet I dhene. Afati 2 mujor mund te shtyhet me vendim te zakonshem te asamblese, jo me shume se 10 dite, cdo here qe, njoftimi nuk permban detajimet e nevojshme per kushtet e transferimit. Ne rast se ortakët, brenda afatit 2 mujor, deklarojne se, do te ushtrojne te drejten e parablerjes, atehere, duhet te shlyejne brenda 30 diteve vleren e kuotave qe do te shiten. Afati 30 ditor fillon nga e vendimit per ushtimin e te drejtes se parablerjes. Nese ortakët nuk e shlyejne vleren e kuotave brenda afatit 30 ditor, e drejta e parablerjes shuhet.

11.5 Kalimi I kuotes dhe/ose pjeseve te kapitalit te te tretet jo ortak, nuk mund te behet ne kushte me te favorshme se ato qe I jane prezantuar ortakeve te shoqerise, ne te kundert ka vend per anullim te transferimit dhe sipas rastit shperblimin e demit.

11.6 Kuota e shoqerise mund te zoterohet nga nje ortak I vetem ose ne bashkepronesi, ne menyre te barabarte ose jo. Ne rastin e kuotes qe zoterohet ne bashkepronesi, ne mardhenie me shogerine dhe te drejten e votes, keta persona trajtohen si nje ortak I vetem dhe te drejtat I ushtrojne nga nje perfaqesues I perbashket

11.7 Transferimi I kuotes ne bashkepronesi, I nenshtrohet fillimisht te drejtes se parablerjes se bashkepronareve te kuotes, e nese keta refuzojne, ortakeve te tjere, pastaj te treteve, sipas rregullimit te bere ne piken me larte

11.8 Ndalimet e percaktuara ne statut dhe rregullimet perkatese zbatohen edhe ne rastin e pjestimit te kuotave.

KREU III

MARDHENIET E ORTAKEVE ME SHOQERINE, ASAMBJEA E ORTAKEVE,

VENDIMARRJA

Neni 12

MARDHENIET NDERMJET SHOQERISE DHE ORTAKEVE



12.1 Per interesat e shoqerise, me vendim te posacem, asambleja e ortakeve mund te vendosi riinvestimin, ose rikapitalizimin I fitimeve te realizuara nga viti financiar

12.2 Shoqeria ruan te drejten te pezulloje ose te anulloje kuoten e nje ortaku sa here qe egziston nje shkak I arsyeshem dhe I perligjur

12.3 Vendimi per pezullimin / anulimin eshte I vlefshem kur vendosin te gjithe ortaket qe perfaqesojne kuotat e shoqerise, pa llogaritur ketu perqindjen e orakut per te cilin diskutohet anulimi

12.4 Vendimi dhe kohezgjatja e pezullimit / anulimit duhet ti njoftohet ortakut perkates, I cili ka te drejten e ankimit ndaj vendimit te asamblese.

12.5 Asambleja percakton me vendim nese ka vend per shperblimin e demit

12.6 Kuota e pezulluar / anuluar riperterihet nga asambleja me te rene shkaku, kur nje gje e tille pranohet nga shoqeria, ose me paraqitjen e vendimit te formes se prere te gjykates

12.7 Statuti sanksionon parimin qe, ne rrethana te njejta, ortaket gezojne te njejtat te drejta, kane te njejtat detyrime proporcionale te trajtohen ne menyre te barabarte. Ky parimsiguron mbrojtjen ne vazhdimesi te te gjithe te drejtave te ortakeve edhe atyre ne pakice kapitali. Eshte I pavlefshem cdo vendim qe ndryshon kete pike te nenit.

12.8 Ortaket dhe Administratoret jane te detyruar te ruajne sekretin mbi Dokumentacionin dhe te dhenat, njohurite dhe eksperiencat e fituara gjate aktivitetit te shocierise, si dhe marrin te gjitha masat e nevojshme te sigurise per te evituar perhapjen, qofte edhe pjesore te tyre. Ata jane pergjegjes per pasojat e mundshme negative nga shkelja nga ana e tyre e sa me sipertehene. Detyrimi dhe pergjegjesia per sa eshte specifikuar ne kete nen, perfshinedhe Ekspertin Kontabel te Miratuar.

Neni 13

### ASAMBLEA E ORTAKEVE

13.1 Asambleja e pergjithsme eshte organi pergjegjes per marrjen e vendimeve per ceshtjet themelore, sic percaktohet ne nenin 81 te Ligjit tregtar

13.2 Asambleja e pergjithsme mblidhet ne sesione te zakonshme te pakten nje here ne vit, e thirrur nga administratori, kontabeli I miratuar, ortaket e shogerise qe gezojne te pakten 5% te totalit te votave.

13.3 Mbledhjet e asamblese organizohen ne seline e shogerise, por kur egzistojne arsye objective apo ne varesi te ceshtjes konkrete, mbledhjet mund te mbahen ne nje vend tjeter.

13.4 Cdo ortak ka te drejte te marre pjese ne mbledhjet e asamblese. Ne ushtimin e te drejtes per pjesmarrje, cdo ortak mund te perfaqesohet nga nje ortak tjeter, ose nje person I trete I zgjedhur prej tij.

13.5 Asamblea thirret nepermjet njoftimit me shkrese (dorazi, rekomande) ose nepermjet postes elektronike e ortakut (adrese e sakte e postes elektronike, ne funksion te thirrjes, do te konsiderohet adrese e depozituar ne shoqeri nga ortaku). Njoftimi permban vendin, daten, oren dhe rendin e dites. Per rastet kur konfirmohet rregullisht se nje ortak ndodhet jashte shtetit te territorit te vendit ku zhvillohet mbledhja, atehere afati I njoftimit dyfishohet.

13.6 Vendimet e marra ne kundërshtim me percaktimin e rregullave te thirrjes jane te pavlefshme, vetem nese ortaket me unanirriitet shprehen dakort pavarsisht perregullise.

13.7 Ne shoqerine me nje ortak te vetem, funksionohet dhe atributet e asamblese ushtrohen nga ortaku I vetem.

13.8 Rastet e tjera qe kerkojne thirrjen e domosdoshme te asamblese se ortakeve do te konsiderohen ato te percaktuara ne nenin 82 te ligjit tregtar.

#### Neni 14

#### VENDIMARRJA

14.1 Vendimet e asamblese se ortakeve merren me shumice te zakonshme, shumice te cilesuar, dhe ne raste te vecanta me kuorum unanimit.

14.2 Cdo ortak ka te drejte vote ne perpjestim me vleren niminale te kuotes se tij. Si rregull ortaket votojne ne menyre te hapur per ceshtjet rend dite, por ne rastet e vecanta me kerkesen e argumentuar te ortakut qe zoteron te pakten 10 % te kuotave, mund te aplikohet votimi I fshehte. Ushtrimi I te drejtes se votes per ortaket jo te pranishem ne asamble, behet me shkrese e konfirmuar nga noteri, ose nepermjet mjeteve te komunikimit elektronik : video koference , e-mail. Vota e derguar me e — mail eshte e vlefshme kur dergohet nga adresa zyrtare e depozituar nga ortaku ne shoqeri me kushtin brenda afatit te votimit per ate ceshtje rend dite per te cilen ortaku voton .

14.3 Vendimet e zakonshme do te konsiderohen te vlefshme per shoqerine kur ne mbledhjen e asamblese marrin pjese ortaket qe zoterojne me shume se 30% te kuotave,ne perputhje me nenin 86 te ligjit nr.9901 dt. 14.04.2008"per tregetaret dhe shoqerite tregetare".

14.4 Vendimet e cilesuara do te konsiderohen te vlefshme per shoqerine kur ne mbledhjen e asamblese marrin pjese ortaket qe zoterojne te pakten  $\frac{3}{4}$  e numrit total te votave, dhe , vendimi merret nga nje shumice prej te pakten  $\frac{3}{4}$  e numrit total te votave

14.5 Percaktimet e ketij neni korimin dhe vendimmarrjen nuk zbatohen per ato raste specifike kur ligji ose ky statut parashikojne ndryshe.

14.6 Nje ortak nuk mund te ushtroje te drejten e votes nese asambeja shyrton ne rend dite dhe merr vendim per ndonje nga rastet e parashikuara ne nenin 89 te Ligjit tregetar. Ne keto raste, kuota e ortakut perkates nuk llogaritet ne perqindjen e kuorimit te nevojshem qe kerkohet nga statute.

#### KREU IV

#### ADMINISTRIMI I SHOQERISE, KESHILLIPUNEMARRESVE

#### Neni 15

#### ADMINISTRATORI

15.1 Administrator I shoqerise eshte personi fizik ortak ose jo ne shoqeri.

15.2 Administratori emerohet me vendim te zakonshem statutor. Emerimi eshte I vlefshem ne rast se personi I zgjedhur me votim pranon emerimin e tij si administrator te shoqerise. Emerimi I administratorit behet me afat 2 vjet me te drejte riprertitje. Shkarkimi I administratorit behet me shumice te thjeshte ligjore (jo statutore) sipas nenit 861 1 dhe 95 16 te Ligjit tregtar.

15.3 Administratori gezon kompetencat e parashikuara ne nenin 95 te ligjit tregetar dhe ato kompetenca te tjera te parashikuara ne nene te posacme te ketij ligji, apo qe lindin ne menyre te arsyeshme me qellimet e shoqerise tregetare.

15.4 Administratori mban detyrimet qe burojne nga ligjet ne fuqi, nga nenet 14-18, 95, 98 I Ligjit tregetar, por duke mos u kufizuar vetem ne keto nene te ligjit, nga statuti dhe vendimet e shoqerise si dhe nga parimet e mirebesimit, besnikerise, kujdesit dhe profesionalizimit. Administratori ndjek procedurat e njoftirnit te akteve te shoqerise ne Institucionet Kompetente apo anasjelltas sipas rastit, perfaqeson shogerine dhe leshon autorizime perfaqesimi per ceshte te natyrave specifike.

15.5 Asambleja ka te drejte te marre ne shqyrtim veprimtarine e administratorit dhe/ose te procedoje per te ekzekutuar nje kerkim desmshperblimi ndaj tij. Vendimi perkates merret me shumice te zakonshme statutore.

15.6 Administratori detyrohet te demshperbleje shoqerine per demet e shkaktuara asaj nga veprimtaria e gabuar, parregullt, kundraligjshme, ne distancim te zgjeruar te politikave tregetare, etj.

15.7 Administratorit I takon rimbursimi I shpenzimeve te bera per arsye pune dhe/apo shperblime te vecanta, te cilat akordohen me vendim te zakonshem te shogerise.

15.8 Shoqeria mund te kete dy ose me shume administrator. Ne rast te administrimit me shume persona, shoqeria ne momentin e emerimit do te percaktoj me vendim tagrat e secilit dhe menyren e ushtrimit te funksioneve te administratorit. Administratori, ka te drejte qe, per nevojat e ushtrimit normal te aktivitetit te shoqerise, te marre ne pune shtetas te ndryshem, duke lidhur kontrate sipas kritereve qe parashikohen ne Kodin e Punes ne fuqi te miratuar me Ligjin Nr. 7961



dt 12.07.1995 dhe me Ligjin Nr. 7703, dt 11.05.1993 "Per sigurimet shogerore" si dhe ne pershtatje me rregullat e brendshme te disiiplines dhe te punes te percaktuara nga vete punedhenesi. Administrator caktohet : z. ARIAN CARA

15.9 Administratori perfaqeson shoqerine per veprime juridike apo financiare pa kufizime.

#### Neni 16

#### KESHILLI I PUNEMARRESVE

16.1 Kur ligji parashikon detyimin e pranise se keshillit te punemarresve, keta te fundit kane te drejte te krijojne strukturat perkatese dhe rregulloret e brendshme te organizimit dhe funksionimit te tyre.

16.2 Perfaqesuesi I keshillit te punemarresve nderton dhe shkemben informacion me perfaqesuesin ligjor te shoqerise per ceshtjet ne interest e tyre.

#### KREU V

#### LARGIMI DHE PERJASHTIMI I ORTAKEVE

#### Neni 17

#### LARGIMI I ORTAKUT

17.1 Cdo ortak, per shkaqe te arsyeshme, mund te largohet nga shoqeria tregtare.

17.2 Largimi behet duke njoftuar me shrim 90 dite perpara shoqerine, ku te jene permendur edhe shkaqet e largimit.

17.3 Administratori therret mbledhjen e asamblese, e Çila merr ne shqyrtim njoftimin e ortakut.

17.4 Vendimi I asamblese se zakonshme (shumice ligjore) qe pranon largimin e ortakut, percakton ose jo vleren e kompesimit te ortakut qe largohet. Edhe kur shkaqet e largimit konsiderohen te arsyeshme apo anasjelltas, asambleja sipas rastit mund te caktojte nje demshperblim ne ngarkim te ortakut

#### Neni 18

#### PERJASHTIMI I ORTAKUT

18.1 Asambleja e zakonshme (shumice ligjore) mund te kerkoje perjashtimin nga shoqeria te ortakut, kur ekzistojne shkaqe qe vleresohen te arsyeshme prej saj per kete perjashtim. Ne percaktimin e kuorimit te mbledhjes se asamblese per kete qellim, nuk perfshihet pjesa e ortakut



per te cilin diskutohet perjashtimi. Kerkesa I drejtohet gjykates e cila vendos nese arsyet e pretenduara legjitmojne ose jo perjashtimin e ortakut.

18.2 Shoqeria dhe ortakut kane te drejte ti kunderdrejtojne njeri-tjetrit pretendime per demshperblim

18.3 Te gjitha te drejtat qe rrjedhin nga cilesia e ortakut shuhet ne daten e largimit ose vendimit te formes se prere te gjykates per largimin ose perjashtimin.

## KREU VI

### VITI FINANCIAR, LLOGARITE VJETORE, NDARJA E FITIMEVE

#### Neni 19

### VITI FINANCIAR, LLOGARITE VJETORE

19.1 Cdo vit financiar fillon ne 1 Janar dhe perfundon ne 31 Dhjetor.

19.2 Llogarite vjetore, inventari, relacionet mbi operacionet e vitit financiar dhe raportet e vecanta te hartuara nga administratori dhe sipas rastit nga kontabli I miratuar, duhet te miratohen nga asamblea me vendim te zakonshem.

19.3 Cdo ortak ka te drejte te vihete ne dijeni per pasqyrat financiare dhe llogarite e shogerise ne cdo kohe, nepermjet nje kerkese te drejtuar administratorit 7 dite perpara.

#### Neni 20

### DIVIDENTET

20.1 Ortaket gezojne te drejten e terheqjes se fitimit te realizuar ne raport me kuotat e zoteruara.

20.2 Pas miratimit te llogarive vjetore, Asamblea me vendim percakton pjesen qe u takon ortakëve ne formen e dividendeve apo/dhe shperndarjeve te mundshme. Asamblea, ne kete faze ose ne nje faze te mevonshme, por jo me larg se 3 muaj nga data e miratimit te llogarive vjetore, vlereson mundesine e aplikimit te parashikimeve qe vendos neni 12/1 I Statutit.

20.3 Administratori siguron qe shperndarja e fitimit te kryhet ne respektim te kerkesave ligjore ne fuqi.

## KREU VII

### BASHKIMI, NDARJA, PRISHJA DHE LIKUIDIMI I SHOQERISE

#### Neni 21

### BASHKIMI, NDARJA, PRISHJA

21.1 Shoqeria, me vendim te cilesuar te asamblese se ortakëve, mund te vendosi bashkimin apo ndarjen e shogerise.

21.2 Modalitet per realizimin e ketij veprimi percaktohen sipas rastit, gjithashtu, ne perputhje me urdherimet ligjore ne fuqi.

Neni 22

#### LIKUIDIMI

22.1 Shoqeria hyn ne procesin e likuidimit ne momentin e prishjes se saj.

22.2 Ne vendim, asamblea emerone nje ose disa likuidues, te cilet ndjekin hapat ligjore te likuidimit. Ne fund te procesit te likuidimit, asamblea, me shumice te zakonshme vendos miratimin e raportit te likuidimit, bilancit perfundimtar dhe gjithcka rreth procesit te likuidimit. Mbas pagimit te kreditoreve, likuiduesi dhe shlyerjes se pjeseve te kapitalit themeltar tek kontribuesit perkates, likuiduesi ndan kapitalet e mbetura ndermjet ortakeve proporcionalisht me pjeset qe ata zoterojne ne kapitalin themeltar.

#### KREU VIII

#### DISPOZITA TE FUNDIT

Neni 23

#### MOSMARRVESHJET

Te gjitha mosmarreveshjet qe mund te lindin gjate egzistences se shoqerise ose gjate periudhes se likuidimit, ndermjet ortakeve, ndermjet shoqerise dhe ortakeve, etj, do ti referohen Qendres Shqiptare te Ndermjetesimit dhe Arbitrazhit per zgjidhje me ndermjetesim dhe ne rast se ndermjetesimi nuk rezulton i suksesshem, me arbitrazh, sipas rregullave dhe procedurave te kesaj Qendre.


Neni 24

#### DISPOZITA PERFUNDIMTARE

Ky Statut eshte hartuar ne 3 ekzemplare origjinale, duke patur te gjitha tekstet fuqi te barabarte Ligjor

#### ORTAKET THEMELUES

ARIAN CARA

*Arian Cara*  


LUIS HOXHA

*Luis Hoxha*  
